

Watu wenyе ulemavu wa akili, wataenda mbinguni?

Jibu: **Hapana!**, watu wenyе ulemavu wa akili **kikweli kweli**, Bwana akirudi hawataenda!, watabaki kukumbana na ghadhabu ya Mungu!..

## **LAKINI SISI TUNAVYOMTAFSIRI MTU MWENYE ULEMAVU WA AKILI, NI TOFAUTI NA MUNGU ANAVYOMTAFSIRI.**

Sisi tunamtafsiri mtu mwenye ulemavu wa akili ni yule tunayemwona haeleweki anapozungumza, anatokwa na mate mdomoni, na hawezi kujimudu mwenyewe!..na mtu aliye na akili timamu ni yule, tunayemwona anaoga vizuri na kuwa nadhifu na mwenye utashi wa kidunia! Anayekubalika kila mahali.. lakini kwa Mungu sivyo.

*1 Wakorintho 3:18 “Mtu asijidanganye mwenyewe; kama mtu akijiona kuwa mwenye hekima mionganii mwenu katika dunia hii, na awe mpumbavu, ili apate kuwa mwenye hekima.*

*19 MAANA HEKIMA YA DUNIA HII NI UPUZI MBELE ZA MUNGU. KWA MAANA IMEANDIKWA, YEYE NDIYE AWANASAYE WENYE HEKIMA KATIKA HILA YAO”.*

Sasa mtu mwenye **MATATIZO YA AKILI**, kibiblia ni yupi?

Watu wenye ulemavu wa akili, wataenda mbinguni?

Tusome, mistari ifuatayo ili tuweze kujua “Mlemavu wa akili ni yupi mbele za Mungu”.

## 1. MTU MZINIFU.

*Mithali 6:32 “Mtu aziniye na mwanamke HANA AKILI KABISA; Afanya jambo litakalomwangamiza nafsi yake”.*

Wakati unaona mtu anayedondosha mate, kama hana akili, kumbe Mungu anakuona wewe unayezini kuwa **HUNA AKILI KABISA!**.. Tena hasemi “*huna akili*” tu!..bali anamalizia na neno “*kabisa*”. Kwahiyoo kumbe mtu anayezini ni Tahira!, mbele za Mungu... ni heri uwe unashindwa kuyamudu mate yako kuliko kuwa mzinifu.

## 2. MTU ANAYEDHARAU WENGINE.

*Mithali 11:12 “ASIYE NA AKILI HUMDHARAU MWENZIWE; Bali mtu aliye na ufahamu hunyamaza”.*

Watu wenye ulemavu wa akili, wataenda mbinguni?

Kama unamdhara huyo unayemwona hawezi kuongea kama wewe, au hawezi kupambanua kama wewe, au hana heshima kama yako, au uwezo kama wako.. basi tambua kuwa mbele za MUNGU, Wewe ndio HUNA AKILI (*Una matatizo ya akili*) kuliko huyo unayemdharau.

*1 Wakorintho 3:18 "Mtu asijidanganye mwenyewe; kama mtu akijiona kuwa mwenye hekima mionganini mwenu katika dunia hii, na awe mpumbavu, ili apate kuwa mwenye hekima."*

### **3. MTU ANAYEWAONEA WENGINE!**

*Mithali 28:16 "Mkuu ALIYEPUNGUKIWA NA AKILI HUWAONEA  
WATU SANA; Bali achukiaye kutamani ataongeza siku"*

Ikiwa una cheo Fulani, au wewe ni mkubwa kicheo au kiumri, katikati ya watu, na hutendi haki bali unawaonea wengine, basi fahamu kuwa mbele za Mungu, unayo matatizo ya akili, haijalishi dunia nzima inakuona una akili, mbele za Mungu unao ulemavu wa akili.

Watu wenye ulemavu wa akili, wataenda mbinguni?

Kwaufupi kuishi Maisha ya dhambi na ya kutomtafuta Mungu, na huku unajua kabisa kuwa unapaswa umtafute Mungu, HUKO NI KUKOSA AKILI.

*Zaburi 14:2 “Toka mbinguni Bwana aliwachungulia wanadamu, Aone kama yuko mtu mwenye akili, Amtafutaye Mungu”.*

Kwahiyo, kwa hitimisho ni kwamba **“wale tunaowaona sisi ni walemavu wa akili, waliopo mahospitalini”**..Mungu hawaoni hivyo!.. Na Bwana anateta nao!, kwa namna yao, na watahukumiwa kwa namna yao!..Wewe huwezi kuongea nao, lakini Bwana anaweza kuongea nao, kwasababu yeye ndio aliyewaumba...

Wewe huwezi kuwaelewa lakini Bwana anawaelewa, kwasababu ni yeye ndiye kawaumba..hawezi kukiumba kitu ambacho kitamshinda yeye kukielewa.

Wewe huwezi kuona kama wanamwabudu Mungu, au wanamtukuza Mungu, au wana dhambi lakini Mungu ndiye anayewajua mienendo yao...

Watu wenye ulemavu wa akili, wataenda mbinguni?

Hivyo kwasababu Bwana ndiye anayewajua na ndiye atakayewahukumu, wapo watakaoingia mbinguni, na wapo ambao hawataingia.. (Wanadamu wote siku za mwisho watasimama mbele ya kiti cha hukumu).

Lakini sisi tunaojiona tuna akili timamu, ***huku tunazini, au tunafanya dhambi, huku tunatembea nusu-tupu barabarani, huku tunapaka rangi nyuso zetu, huku tunajichora Ngozi zetu, huku tunaabudu sanamu!***..tujue mbele zake Mungu ni “*walemvu wa akili*” , haijalishi dunia nzima itatuthaminisha kiasi gani, basi mbele zake ni “*walemvu wa akili*”. Hivyo ili tuwe na akili hatuna budi kumtafuta Mungu, kwa kumwamini Bwana Yesu na kuyashika maneno yake.

*Mathayo 7:24 “Basi kila asikiaye hayo maneno yangu, na kuyafanya, atafananishwa na mtu mwenye akili, aliyejenga nyumba yake juu ya mwamba;*

*25 mvua ikanyesha, mafuriko yakaja, pepo zikavuma, zikaipiga nyumba ile, isianguke; kwa maana misingi yake imewekwa juu ya mwamba”.*

Maran atha!

Watu wenye ulemavu wa akili, wataenda mbinguni?

Tafadhali washirikishe na wengine habari hizi njema,

Kwa maombezi/Ratiba za ibada/ Ushauri/ Maswali.

Piga namba hizi: +255693036618 au +255789001312

Pia kwa kupokea mafundisho ya kila siku kwa njia ya WHATSAPP, jiunge na channel yetu kwa kubofya link hii

>> <https://whatsapp.com/channel/0029VaBVhuA3WHTbKoz8jx10>

---

### **Mada Nyinginezo:**

*Nini maana ya “Nitaomba kwa roho, tena nitaomba kwa akili pia?*

*CHAPA YA MNYAMA*

Watu wenye ulemavu wa akili, wataenda mbinguni?

*Wibari ni nani?(Mithali 30:26)*

*INJILI YA MANENO LAINI ITAKUGHARIMU.*

*KITABU CHA YUDA: SEHEMU YA 3*

**Rudi nyumbani**

Share on:

WhatsApp

[Print this post](#)